

ՀԱՐՑ - ՊԱՏԱՍԽԱՆ

ԱՅԼԱԶԱՆ

ԽՈՐՀՈՒՐԴՆԵՐ

ՎԻՃԱԿԱԳՐՈՒԹՅՈՒՆ

ԱՇԽԱՐՀԸ ԹՎԵՐԻ ԼԵԶՎՈՎ



Լսել եմ որ ՄԱԿ-ում վերջերս զեկույագիր հրապարակվեց մոլորակի բնակչության թվի, ծնելիության եւ մահացության մակարդակի եւ ընդհանրապես բնակչությանը վերաբերող այլ տվյալներով: Հնարավոր է արդյոք, իմանալ որոշ մանրամասներ այդ զեկույագրից:

ԹԻՐԻՍԻ

Իրոք, ՄԱԿ-ի Ազգաբնակչության եւ զարգացման հանձնաժողովը քննարկման է ներկայացվել զեկույագիր, ըստ որի՝ աշխարհում ծնելիության միջին մակարդակը մեկ կնոջ հաշվով 2,5 երեխա է, իսկ 2030 թվականին այն կկազմի 2.4 ծնունդ: Ըստ կանխատեսումների, 2050 թվականին աշխարհի բնակչության ավելի քան 70 տոկոսը կապրի այնպիսի երկրներում, որտեղ ծնելիության ընդհանուր ցուցանիշը ցածր կլինի բնակչության վերարտադրման անհրաժեշտ մակարդակից:

Ինչ վերաբերում է 65 եւ ավելի բարձր տարիքի մարդկանց, ապա բնակչության ընդհանուր թվաքանակում նրանց բաժինը կաճի: Այժմ նրանք 19 տոկոս են կազմում Եվրոպայում եւ 16 տոկոս՝ Հյուսիսային Ամերիկայում, իսկ 2050 թվականին այդ ցուցանիշները կավելանան մինչեւ 28 տոկոս եւ 23 տոկոս՝ համապատասխանաբար:

Ընդամենը, ինչպես նշվում է, արդեն այսօր աշխարհում տարեց մարդկանց գրեթե կեսը թոշակ չի ստանում: Ներկայում աշխարհի բնակչության մոտավորապես 56 տոկոսն ապրում

է քաղաքներում: Ապագայում, բնակչության գրեթե ողջ աճը տեղի կունենա քաղաքային բնակիչների թվի ավելանալու հաշվին, որոնց, կանխատեսումների համաձայն, 2030 թվականին բաժին կընկնի աշխարհի երկրների բնակչության 60 տոկոսը, իսկ 2050 թվականին՝ մոտավորապես 68 տոկոսը: ՄԱԿ-ում նշում են, որ վերջին 25 տարվա ընթացքում ամբողջ աշխարհում զգալիորեն բարձրացել է բնակչության բարեկեցության մակարդակը: Զգալիորեն կրճատվել է այն մարդկանց թիվը, որոնք ապրում են ծայրահեղ աղքատության պայմաններում, 40 տոկոսով նվազել են մայրական մահացության մասշտաբները, էակամորեն ավելացել է կյանքի տևողությունը: 1994-ից 2019 թվականն ընկած ժամանակաշրջանում մինչեւ 5 տարեկան երեխաների մահացության մակարդակը կրճատվել է 54 տոկոսով:

Կյանքի սպասվող տևողությունն ամբողջ աշխարհում 1994 թվականի 64,9 տարվանից 2019 թվականին ավելացել է մինչեւ 72,3 տարի, իսկ 2030 թվականին կավելանա եւս մոտավորապես երկու տարով:

ՀՈԳԵՔԱՆՈՒԹՅՈՒՆ

ԵՐԿԱՐԱՏԵՎ ԱՄՈՒՄՆԱԿԱՆ ՀԱՐԱԲԵՐՈՒԹՅՈՒՆՆԵՐԻ ԳԱՐՏՆԻՔԸ

Ներկայիս արագորթաց աշխարհում երկարապիտ աճումնական հարաբերությունները, անկեղծ ասած, զարմանք են հարույցում: Ամուսնական զույգերը, մեծ մասամբ, լավագույն դեպքում, միասին են ապրում մեկ կամ երկու տասնյակ տարի: Հետաքրքիր է երկարապիտ աճումնական հարաբերությունները որեւէ գաղտնիք պարունակո՞ւմ են:



Գ.Մարտիրոսյան

Բաթումի

Որքան էլ տարօրինակ լինի, նման գաղտնիք, իրականում գոյություն ունի: Ահավասիկ, ԱՄՆ-ի Օբոռն քաղաքից (Վաշինգտոնի նահանգ) ամուսիններն ավելի քան 68 տարի կրել են միեւնույն հագուստը եւ դա համարում են իրենց ամուսնության երկարատևության գաղտնիքներից մեկը:

Ֆրենսիս եւ Ռոզմարի Քլոնցները ծանոթացել են ավագ դպրոցում եւ ամուսնությանը ապրել 68 տարի: Կնոջ խոսքով՝ մի

անգամ իր մայրն իրենց համար միանման բլուզներ է գնել, եւ դրանից հետո զույգն սկսել է նման հագուստ կրել: Ռոզմարին լիովին պատասխանատու է Ֆրենսիսի արտաքին տեսքի համար, որը հաճույքով է հագնում այն, ինչն իր համար ընտրում է իր կինը: Ամուսինները միասին կատարում են եկեղեցական երգեր եւ համոզված են, որ հավատն առ Աստված նույնպես օգնում է իրենց պահպանելու լավ հարաբերություններ:

12 ՓԱՍՏԵՐ ԵՎ ՄԻՖԵՐ ԶՐԻ ՄԱՍԻՆ

(Սկիզբը՝ մախորդ համարում)

7. Եթե դուք ծարավ եք զգում՝ դուք ջրագրկված եք

Սա մի՞՛ք է: Ծարավը չի նշանակում, որ դուք ջրագրկված եք: Ծարավը՝ դա մեր օրգանիզմի ազդանշանն է այն մասին, որ իրեն հարկավոր է ավելի շատ ջուր: Մեր արյան մեջ առկա է որոշակի քանակով ջուր եւ աղ: Ծարավը՝ աղի քանակի մեծացումն է ի համեմատ ջրի: Եթե աղի կոնցենտրացիան մեծացել է 2 տոկոսով՝ դուք ծարավ եք զգում: Եթե 5 տոկոս եւ ավելի՝ ձեզ մոտ կսկսի ջրագրկումը:



8. Սպորտով զբաղվելիս ձեզ հարկավոր են սպորտային ըմպելիքներ, այլ ոչ թե՛ ջուր

Սա մի՞՛ք է: Սպորտային ըմպելիքները լավ գովազդվում են, բայց դրանք ոչ բոլորին են անհրաժեշտ: Սպորտային ըմպելիքները պարունակում են էլեկտրոլիտներ, որոնք անհրաժեշտ են օրգանիզմի բջիջների ճիշտ աշխատանքի համար: Հնարավոր է, մարդկանց, ովքեր մասնակցում են երկար մարաթոններին կամ ինչ-որ մեկի մարզումները երկար են տևում, այդ ըմպելիքներն օգուտ տան: Նաեւ շատ ըմպելիքներ պարունակում են ընդամենը ջուր եւ շաքար, եւ մարզիչները պահանջում են հրաժարվել դրանց օգտագործումից: Մաքուր ջուր՝ ահա թե ինչ է ձեզ պետք մարզումների ժամանակ:

9. Կարելի է շատ ջուր խմել

Սա փաստ է: Իհարկե, որոշակի հիվանդություններ ունեցող մարդիկ կարող են վնասել իրենց առողջությունը՝ շատ ջուր խմելով: Դա որոշ սրտանոթային հիվանդություններն են, արյան բարձր ճնշումը, ստորին վերջույթների այտուցներ, երիկամների հիվանդություններ (փոխպատվաստում): Այս դեպքում մարդիկ պետք է խորհրդակցեն բժշկի հետ: Մնացած բոլոր դեպքերում՝ դուք կարող եք խմել այնքան ջուր, որքան ցանկանում եք: Որովհետեւ, եթե դուք քիչ ջուր եք օգտագործում, ապա երիկամները ստիպված են արտադրել ավելի կոնցենտրացված մեզ, ինչը կարող է առաջ բերել երիկամներում քարերի առաջացում:

10. Չարժե օգտագործել պլաստիկ շշերը կրկնակի անգամ

Սա փաստ է: Օգտագործելով միանգամյա օգտագործման պլաստիկ շիշը երկրորդ անգամ՝ դուք ռիսկի եք դիմում: Նույնիսկ բազմակի անգամյա օգտագործման շշերը (պոլիէթիլենից կամ պոլիպրոպիլենից), հարաբերականորեն ավելի անվտանգ են, եթե դրանք անընդհատ մանրէազերծվեն: Բայց ո՞վ պետք է դրանով զբաղվի: Պլաստիկ շշերը բարենպաստ միջավայր են մանրէների զարգացման համար: Մանրէների մակար-

դակը այդպիսի շշերում հաճախ գերազանցում է թույլատրելի նորմաները: Օգտագործեք ջրի բազմաթիվ անգամյա օգտագործման տարաներ, որոնք ունեն լայն բերան եւ որոնք հնարավոր է լավ լվանալ: Կարելի է օգտագործել խմելու մեկանգամյա օգտագործման խողովակիկներ:

11. Ջրի «հիշողության» գոյությունը գիտականորեն ապացուցված չէ

Սա փաստ է: Բոլոր ժամանակներում մարդիկ ջրին վերագրում էին կախարդական հատկություններ: Բոլորին հայտնի են «կենդանի» եւ «մեռած» ջրերի մասին լեգենդները: Ջրի հետ խոսում էին, որպեսզի նրան հաղորդեին բուժիչ հատկություններ: Սակայն դա ընդամենը ժողովրդական հավատամքներ են: Ֆիզիկները հստակ ասում են, որ կառուցվածքային (ստրուկտուրիզացված) ջուրը՝ հակազդականորեն հորինվածք է: Չկա ոչ մի գիտական ապացույց, որը կապացուցեր ջրի «հիշողության» գոյությունը:

12. Չի կարելի եռացնել կրկնակի եռացրած ջուրը

Սա մի՞՛ք է: Ժողովրդի մեջ տարածված է «սարսափ», իբր չի կարելի կրկնակի անգամ եռացնել ջուրը: Իբր դրանից խախտվում է ջրի բյուրեղացանցը, եւ ջուրը դառնում է «ծանր»: Բանը նրանում է, որ այդպիսի ջուրը իրոք դառնում է «ծանր», քանի որ նրա մեջ մեծանում է ծանր ջրածնի՝ դեյտերիում իզոտոպի պարունակությունը: Եվ դա վնասակար է առողջությանը: Այստեղ մասնագետները չեն վիճում: Սակայն եռացրած ջրում դեյտերիումի կոնցենտրացիան այնքան աննշան է, որ անհնաստ է վախենալը: Բժշկության մեջ չկա որեւէ հաստատում, որ այդպիսի ջուրը վնասում է առողջությանը: Իհարկե, ջուրը ոչ միայն առողջության, այլ նաեւ բազմաթիվ հիվանդությունների աղբյուր է, քանի որ այն շատ լավ է իր մեջ լուծում թունավոր նյութերը եւ հիվանդածին մանրէներ կրող է: Օգտագործեք միայն մաքուր ջուր եւ եղեք առողջ:

ԵՎՍ ՄԻ ՏԵՂԵԿՈՒԹՅՈՒՆ ԶՐԻ ՄԱՍԻՆ

Ջուր խմելու ճիշտ ռեժիմ սահմանելու համար անհրաժեշտ է իմանալ հետևյալը.

- Սվեդորգ քաշ ունեցող մարդիկ պետք է հավելյալ քաշի յուրաքանչյուր 20 կիլոգրամի դիմաց 1 բաժակ ավելի ջուր խմեն:
- Օրգանիզմը ջրագրկվում է ոգելից խմիչքների, նիկոտինի եւ կոֆեինի չարաշահումից:
- Շոգ եղանակին փողոց դուրս գալուց առաջ խորհուրդ է տրվում մի քիչ ջուր խմել: Մարզվելուց առաջ եւ հետո նույնպես անհրաժեշտ է ջուր խմել:
- Արթնաճաղուց հետո ջուր խմելով՝ դուք կմաքրեք ձեր օրգանիզմը:
- Ցանկալի է ուտելուց 1


ժամ առաջ եւ 1 ժամ հետո ջուր խմել: Դա նպաստում է մարսողական հյութերի նստացմանը: Որքան սնունդն ավելի հարուստ է սպիտակուցներով, այնքան ավելի շատ ջուր է պետք խմել: Մի փոքր սառեցված ջուրն օրգանիզմի կողմից ավելի հեշտ է յուրացվում: Կերակրող մայրն ավելի շատ ջուր պետք է խմի:

ԹԵՎԱՎՈՐ ՄՏՔԵՐ

Հիշի՛ր, հայ գորական, անպարտելի է մնում միայն այն դրոշակը, որը պարզվում է ցեղի անուճով եւ ցեղի համար: **ԳԱՐԵԳՆ ՆԺԴԵՅ (1886-1955)** Հայ ռազմական գործիչ Որքան շուտ անցան ժամերը քահել, եւ ափսոսում են, որ աղջիկներին չեն կարող նայել: **ԻՈՍԵՔ ՆՈՆԵՇՎԻԼԻ**

(1918-1980) **Վրաց բանաստեղծ Դոնգար հոգեվերլուծող** Գոյություն ունի արդարության երկու հիմունք՝ ոչ ռքի չվնասել եւ օգուտ բերել հասարակությանը: **ՑԻՑԵՐՈՆ (մ.թ.ա. 106-43)** Հին հռոմեական քաղաքական գործիչ, փիլիսոփա

Եթե ցանկանում ես մարդկանց հետ լավ հարաբերություններ պահպանել, մի խանգարիր նրանց ստելիս: **ԹԻՐԻՍԻ «Վրաստանի» ընթերցող** Վ.Բ.



ՀԱՅԱՍՏԱՆ - ԱՐՑԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԿԱԶՊՐԵՍԻ ՆՅՈՒԹԵՐՈՎ

ՄԵՊՏԵՄԲԵՐԻ 1-Ը՝ ԳԻՏԵԼԻՔԻ ԵՎ ԴՊՐՈՒԹՅԱՆ ՕՐ

ՀԱՅԱՍՏԱՆՈՒ ՄԵԿԱՐԿԵՅ ՆՈՐ ՈՒՍՈՒՄՆԱԿԱՆ ՏԱՐԻՆ

Սեպտեմբերի 1-ին, Հայաստանը նշեց Գիտելիքի եւ դպրության օրը՝ նոր ուսումնական տարվա մուտքը:

Այս տարի Հայաստանում առաջին դասարանցիների թիվը 42 հազար է՝ նույնքան, որքան անցած տարի:

Այս ուսումնական տարվա նորություններից է այն, որ առաջին անգամ 48 ամսում դասագրքեր կկիսվեն երկու մասերի՝ առաջին եւ երկրորդ: Առաջին կիսամյա-

կում դասագրքի երկրորդ մասը երեխան իր հետ դպրոց չի տանի եւ միայն առաջին ամսվարտելուց հետո կանցնի երկրորդ մասին: Երկհատոր կդառնան այն ծավալուն դասագրքերը, որոնք այս տարի վերահրատարակվելու էին:

Նոր ուսումնական տարվա մեկնար-

կի կապակցությամբ՝ հանրային դպրոցների մանկավարժներին, աշակերտներին, ծնողներին, բարձրագույն ուսումնական հաստատությունների ուսանողներին, դասախոսներին ողջույնի ուղերձներ են հղել Հայաստանի նախագահ Արմեն Սարգսյանը, վարչապետ Նիկոլ Փաշինյանը, Կրթության, Գիտության, մշակույթի եւ սպորտի նախարար Արայիկ Զարությունյանը:

ՈՒՍՈՒՑԻՉՆԵՐԻ ԱՇԽԱՏԱՎԱՐՁԸ ԿԲԱՐՁՐԱՑՎԻ ՏԱՍԸ ՏՈԿՈՍՈՎ

Հայաստանի կառավարությունը որոշում կայացրեց բյուջեի եկամուտներն ու ծախսերն ավելացնել 1,665 մլրդ դրամով, եւ այդ գումարներն ուղղել սեպտեմբերի 1-ից ուսուցիչների աշխատավարձերը 10 տոկոսով բարձրացնելուն:

Կրթության, Գիտության, մշակույթի եւ սպորտի նախարար Արայիկ Զարությունյանը նշեց, որ պատրաստվում են սահմանել ֆինանսավորման բանաձեւ դպրոցների համար, որտեղ մեկ դրույթի նվազագույն շեմ կսահմանվի 108 հազար դրամը:

Նախարարը նշեց, որ վերջերս ֆեյք կայքերի միջոցով լուրեր էին տարածվում, թե դպրոցներում ուսուցիչների համատարած կրճատումներ են արվում, որպեսզի կարողանան աշխատավարձերը 10 տոկոսով բարձրացնել: - Կրճատումները եղել են սովորական, ինչպես միշտ է եղել՝ հիմնականում կապված տարիքի հետ: Այս գործընթացի հետ կապված որեւէ կրճատում չկա,- ասաց Զարությունյանը:

Հայաստանի վարչապետ Նիկոլ Փաշինյանն էլ ընդգծեց, որ այս ամենի նպատակը՝ ուսուցիչների պատշաճ որակ ապա-

հովելն է: - Մենք պետք է համոզված լինենք, որ մեր դպրոցներում աշխատում են բավարար պրոֆեսիոնալ մակարդակ ունեցող ուսուցիչներ, իսկ դրա համար աշխատավարձերի բարձրացումը պետք է պահենք մեր ուշադրության կենտրոնում: Չեն կարծում, որ սա հեղափոխական աճ է, բայց մյուս կողմից սա գործընթացի մեկնարկն է ու դա կշարունակվի, եթե մեխանիզմները ճիշտ կառուցենք այնպես, որ դա որակի հետ ուղղակի կապ ունենա,- ընդգծեց վարչապետը:



ՍՓՅՈՒԹԱՅԱՅԵՐԸ ՀԱՅԱՍՏԱՆՅԱՆ ԲՈՒՅԵՐՈՒՄ

2019 թվականին՝ հայաստանյան բուհերում սովորելու համար դիմել է 190 օտարազգի եւ 634 սփյուռքահայ:

Նշենք, որ 2018 թվականին հայաստանյան ԲՈՒՅ-եր ընդունվել է 1620 օտարազգի դիմորդ: Նախորդ տարի, ընդհանուր առմամբ, ընդունվել է 870 սփյուռքահայ ուսանող: 2018-ին՝ մինչ այս պահը, դիմել էր 611 սփյուռքահայ, իսկ 2019-ին՝ 634 դիմորդ:

Այս տարի 32 պետությունից սփյուռքահայ է դիմել հայկական բուհեր ընդունվելու համար. նրանց հիմնա-

կան մասը Ռուսաստանի Դաշնությունից, Վրաստանից, Լիբանանից եւ Սիրիայից են:

2019 թվականին սփյուռքահայ ուսանողների մեծ մասը դիմել է Երեւանի պետական բժշկական համալսարան՝ մոտ 180 հոգի: Մյուսները դիմել են Երեւանի պետական համալսարան, Հայաստանի ազգային պոլիտեխնիկական համալսարան, Հայկական պետական ման-

կավարժական համալսարան եւ մի շարք այլ ուսումնական հաստատություններ: Օտարազգի դիմորդները նույնպես հիմնականում ընդունվում են բժշկական համալսարաններ՝ մեծ մասը հնդկներ ու իրանցիներ են:

Ինչ վերաբերում է պետպատվերներին, ապա դրանք 70-ն են եւ բաշխվում են հայագիտական մասնագիտությունների վրա:

Դիմորդների տվյալները կամփոփվեն 2019 թվականի սեպտեմբերի վերջին:

ՀԱՆԴԻՊՈՒՄ ՏՆՏԵՍՈՒԹՅԱՆ ՏԱՐԲԵՐ ԵՅՈՒՂԵՐԻ

ՆԵՐԿԱՅԱՑՈՒՑԻՉՆԵՐԻ ՀԵՏ



Գրիգորյանը, Էկոնոմիկայի նախարար Տիգրան Խաչատրյանը եւ պետական եկամուտների կոմիտեի նախագահի տեղակալ Արթուր Մանուկյանը:

Հանդիպմանը վարչապետը նշեց, որ կառավարությունը կարեւորում է Հայաստանի տնտեսության արտահանման միտվածության ապահովումը, ուստի եւ այդ է պատճառը, որ կառավարությունը նաեւ այս կարգի հանդիպումներ է կազմակերպում, որպեսզի կարողանա ճիշտ ընկալել շահագրգիռ կողմերից եկող ազդակները եւ դրանց ճիշտ կառավարել ու արձագանքել:

ԱՎՏՈՄԵԲԵՆԱ ՆԵՐՄՈՒԾՈՂՆԵՐՆ ԱԶԱՏՎՈՒՄ ԵՆ ԱՎԵԼԱՅՈՂ ԱՐԺԵՔԻ ՀԱՐԿԻՑ

Հայաստանի կառավարությունը հավանություն տվեց որոշման նախագծին, որով առաջարկվում է մինչեւ 4 տարվա արտադրության տրանսպորտային միջոցներ ներմուծող կազմակերպություններն ազատել 2020 թվականի հունվարի 1-ից ավելացող արժեքի հարկից (ԱԱՀ):

Օրենքի գործողությունը նախատեսվում է տարածել մինչեւ 2020 թվականի դեկտեմբերի 31-ը կատարվող ներմուծումների նկատմամբ:

«Նախագծով առաջարկվում է 2020 թվականի հունվարի 1-ից ավելացված արժեքի հարկից ազատել ավելացված արժեքի հարկ վճարող համարվող կազ-

մակերպությունների կողմից ԱՏԳ ԱԱ 8702 եւ ԱՏԳ ԱԱ 8703 ծածկագրերին դասվող՝ մինչեւ չորս տարի ներառյալ թողարկման (արտադրության) տարեթիվ ունեցող տրանսպորտային միջոցների ներմուծումը»,- ասվում է հիմնավորման մեջ:

Կառավարությունն այս նախագծով նպատակ ունի խթանել առավել ցածր

արտադրություններ ունեցող, մինչեւ չորս տարվա արտադրության տրանսպորտային միջոցների ներմուծումը, ինչպես նաեւ՝ մեղմել 2020 թվականի հունվարի 1-ից ԱԱՀ տարածք տրանսպորտային միջոցների ներմուծման մաքսային դրույքաչափերի՝ ՀՀ համար սահմանված արտոնյալ ծածկետի սպառման հետեւանքով նոր դրույքաչափերի կիրառության ազդեցությունը եւ նպաստել ոլորտում գործունեություն իրականացնող՝ ԱԱՀ վճարող կազմակերպությունների շրջանառու միջոցների ավելացմանը:

ՈՒԵՖԱ-Ի ՆԱԽԱԳԱՀԸ ՀԱՅԱՍՏԱՆՈՒՄ

Սեպտեմբերի 5-ին Հայաստանի վարչապետ Նիկոլ Փաշինյանը հանդիպում ունեցավ աշխատանքային այցով Հայաստանում գտնվող ՈՒԵՖԱ-ի նախագահ Ալեքսանդր Զեֆերինի հետ: Հանդիպմանը ներկա էր նաեւ Հայաստանի ֆուտբոլի ֆեդերացիայի նախագահ Արթուր Վանեցյանը:



Հանդիպմանը զրույակիցներն անդրադարձան ՀՖՖ-ի եւ ՈՒԵՖԱ-ի համագործակցությամբ առաջիկայում նախատեսվող նախագծերին վերաբերող մի շարք այլ հարցերի:

Ալեքսանդր Զեֆերինը Նիկոլ Փաշինյանին նվիրեց ֆուտբոլային գնդակ:

ՀԱՅԱՍՏԱՆԵՆ ԱՐԱՋԱՏԱՐՆ Է ԵՍՏՆՈՒՄ ՏԵՏԵՍԱԿԱՆ ԱՅԻ ՄԱՎԱՐԴԱՎՈՎ

2019 թվականի հունվար-հունիս ամիսներին, նախորդ տարվա նույն ժամանակաշրջանի համեմատ, ԵԱՏՄ անդամ երկրներում համախառն ներքին արդյունքն աճել է 1 տոկոսով: Միության երկրների շարքում ամենաբարձր տնտեսական աճը, ինչպես անցած տարի, այնպես էլ՝ ընթացիկ տարում գրանցել է Հայաստանը՝ 6.8 տոկոս, այնուհետեւ՝ Ղրղզստանը՝ 6.4 տոկոս: Նշված ժամանակահատվածում միության ներսում ներդրումներն աճել են 2.1 տոկոսով, որի գծով ամենից բարձր աճը նկատվել է Ղազախստանում՝ 11.7 տոկոս:

ՀԱՄԱՆԱՐՆ ՄԻՋԱԶԳԱՅԻՆ ՊԱՇՏՈՒՍՆԵՐՆ ԱՎԵԼԱՅԵԼ ԵՆ

2019 թվականի հունիս ամսվա դրությամբ ՀՀ համախառն միջազգային պահուստները, նախորդ տարվա նույն ժամանակահատվածի դրությամբ, ավելացել են 11.3 տոկոսով՝ կազմելով 2 մլրդ 216.3 մլն ԱՄՆ դոլլար:

Ընթացիկ տարվա հունիսին, նախորդ տարվա հունիսի համեմատ, փոխարկելի արտարժույթով ակտիվների պահուստներն աճել են 11 տոկոսով՝ կազմելով 2 մլրդ 204.7 մլն ԱՄՆ դոլլար, իսկ Արժույթի միջազգային հիմնադրամում ՀՓԻ (հատուկ փոխառության իրավունք) պաշարներն աճել են 11 տոկոսով՝ կազմելով 11.6 մլն ԱՄՆ դոլլար:

ՕՏԱՐԵՐԿՐՅԱ ՆԵՐԳՐՈՒՄՆԵՐՆ ԱՎԵԼԱՅԵԼ ԵՆ 26 ՏՈՎՈՍՈՎ

2019թ-ի հունվար-հունիս ամիսներին իրական հատվածում կատարված օտարերկրյա ընդհանուր ներդրումները, նախորդ տարվա համապատասխան ժամանակահատվածի համեմատ, ավելացել են 26 տոկոսով՝ կազմելով 705 մլրդ դրամ: Նույն ժամանակահատվածի համար 20 տոկոսով ավելացել են նաեւ օտարերկրյա ուղղակի ներդրումների հոսքերը՝ կազմելով 152 մլրդ դրամ՝ նախորդ տարվա առաջին կիսամյակի 126 մլրդ դրամի փոխարեն: Հայաստանի վիճակագրական կոմիտեի տվյալների համաձայն՝ հունվար-հունիս ամիսներին օտարերկրյա ընդհանուր ներդրումների գծով ստացումների եւ մարումների տարբերությունը, այսինքն՝ զուտ հոսքերը կազմել են 97.8 մլրդ դրամ՝ 2018թ-ին արձանագրված բացասական՝ -24.5 մլրդ դրամի դիմաց: Միաժամանակ օտարերկրյա ուղղակի ներդրումների զուտ հոսքերը 38.6 մլրդ դրամից նվազել են մինչեւ 7.7 մլրդ դրամ:

Հիմնական խոշոր ներդրումները ներգրավվել են Ռուսաստանի Դաշնությունից, Գերմանիայից, Իտալիայից եւ Նիդերլանդներից:

ԵԿԵՂԵՑԱԿԱՆ

ՍԵՊՏԵՄԲԵՐ



8.09.2019 Բարեկենդան Սուրբ Խաչի պահոց
Բարեկենդանը պահքին նախորդող կիրակին է, որը նվիրված է տաղավար տոներից մեկին՝ Խաչվերացին եւ տեւում է երկուշաբթիից շաբաթ:

8.09.2019 Սուրբ Կույս Մարիամի ծնունդն Ան-մայից

ՄԱՅՐԱՔԱՂԱՔ

ԹԲԻԼԻՍԻՆ՝ ԱՇԽԱՐՀԻ ՔԱՂԱՔՆԵՐԻ ԶԲՈՍԱՇՐՋՈՒԹՅԱՆ ՄԻՈՒԹՅԱՆ ԱՆՂԱՄ

Ինչպես հայտարարեց Թբիլիսիի քաղաքապետ Կախա Կալաձեն, Վրաստանի մայրաքաղաքն անդամագրվեց Աշխարհի քաղաքների զբոսաշրջության միություն:

Քաղաքապետի խոսքով՝ միությանն անդամակցվելը կնպաստի Թբիլիսիի զբոսաշրջային ներուժի զարգացմանն ու քաղաքի ճանաչելիության մակարդակի բարձրացմանը:

բարձրացմանը:

- Հելսինկիում անցկացվել է «Խելամիտ զբոսաշրջություն» քաղաքների զարգացման եւ նորարարությունների ճանապարհը» գագաթաժողովը, որտեղ Թբիլիսին ներկայացված է՝ որպես Աշխարհի քաղաքների զբոսաշրջության միության նոր անդամ,- հայտարարել է Թբիլիսիի քաղաքապետը:

ՆՈՐՈՒՅՈՒ

5 ԼԱՐԻ ԱՆՎԱՆԱԿԱՆ ԱՐԺԵՔԻ ՈՍԿԵ ԵՎ ԱՐԾԱԹԵ ՄԵՏԱՂԱԴՐԱՄՆԵՐ ՌԵԳԻՏԻ ԹԵՄԱՅՈՒ



Վրաստանի ազգային բանկը ռեգիստրի թեմայով թողարկել է 5 լարի անվանական արժեքի ոսկե եւ արծաթե մետաղադրամներ:

Մետաղադրամները ներկայացրեց ազգային բանկի նախագահ, Կոբա Գվենետաձեն: Միջոցառմանը ներկա էին գտնվել Վրաստանի ռեգիստրի ազգային հավաքականի անդամները, ազգային հավաքականի գլխավոր մարզիչ Միլթոն Դեյզը, ինչպես նաեւ խորհրդարանի ֆինանսա-բյուջետային կոմիտեի նախագահ Իրակլի Կովաճաձեն, դիվանագիտական կորպուսի ներկայացուցիչներ եւ այլ հրավիրված հյուրեր:

Կոբա Գվենետաձեն միջոցառմանը ռեգիստր Մամուկա Գորգոձեին հանձնեց ոսկե հուշադրամ եւ բոլոր մնացած ռեգիստրներին՝ արծաթե մետաղադրամներ:

Ըստ ազգային բանկի նախագահի՝ մետաղադրամի դիզայնը պատկանում է Մամուկա եւ Նիտա Գոնգաձեներին: Մետաղադրամները պատրաստվել են Լիտվայում:

Նոր մետաղադրամների վաճառքը արդեն սկսվել է: Դրանք կարելի է ձեռք բերել՝ ինչպես ազգային բանկի կանխիկ կենտրոնում եւ Ղվարեթի դրամի թանգարանում, այնպես էլ ազգային բանկի օնլայն խանութի միջոցով:

ՆՈՐԱԿԱՌՈՒՅՑ

26.07.2019թ.



ՄԵՐ ԹԱՏՐՈՆԻ ՇԵՔԻ ՇԻՆԱՐԱՐՈՒԹՅՈՒՆ ԸՆԹԱՆՈՒՄ ԵՄԱԳ ՏԵՄԴԵՐՈՎ

Խոստման համաձայն, շարունակում ենք Թբիլիսիի Պետրոս Ադամյանի անվան պետական հայկական դրամատիկական թատրոնի նոր, ժամանակակից շենքի շինարարության ընթացքը վավերացնող լուսանկարների հրապարակումը: Ձեր ուշադրությանն ենք ներկայացնում հուլիսի վերջին եւ երեկ արված լուսանկարները, որոնք ակնհայտ վկայում են շինարարության արագ ընթացքի մասին:

Յիշեցնենք, որ հայկական թատրոնի նոր շենքի շինարարությունն իրականացվում է Բիծինա Իվանիշվիլու «Քարթու» հիմնադրամի կողմից տրամադրած շուրջ 19 միլիոն լարիի ֆինանսավորմամբ: Ծրագրված է, որ թատրոնի շենքի արտաքին շինարարությունն ավարտել 2020 թվականի սկզբին, իսկ շահագործման հանձնել՝ նույն տարվա ավարտին:

Մենք կշարունակենք հետեւել շինարարությանը եւ տեղյակ պահել ընթացիկ աշխատանքների մասին:

06.09.2019թ.



ՄՊՈՐՏ

ՖՈՒՏԲՈԼ. ՄԱՅՐՑԱՄԱՔԻ ՄՈՎՋՆՈՒԹՅԱՆ ՈՐԱԿԱՎՈՐՄԱՆ ՓՈԽԻ ՀԱՆԴԻՊՈՒՄՆԵՐ ԿԵՐՍՎԱԿԵՑԻՆ



Սեպտեմբերի 5-ին, Հայաստանի հավաքականը Եվրոպայի 2020 թվականի առաջնության որակավորման փուլի «J» խմբի շրջանակներում, անցկացրեց հերթական հանդիպումը եւ սեփական դաշտում՝ 1:3 հաշվով զիջեց Իտալիայի հավաքականին: Խմբի շրջանակներում՝ 5-ական հանդիպումից հետո առկուսակը 15 միավորով գլխավորում է Իտալիայի հավաքականը: Երկրորդ եւ երրորդ տեղերը զբաղեցնում են Ֆինլանդիան (12 միավոր) եւ Բոսնիա-Հերցեգովինան (7 միավոր): Հայաստանի թիմը 6 միավորով չորրորդ տեղումն է: Հունաստանը 4 միավորով հինգերորդն է, իսկ առկուսակը եզրափակող Լիխտենշտեյնի հավաքականը իր ակտիվում ոչ մի միավոր չունի:

6-րդ տուրի խաղերը կկայանան սեպտեմբերի 8-ին: Հայաստանի ընտրանին Երեւանում կընդունի Բոսնիա-Հերցեգովինային: Հունաստանը կխաղա Լիխտենշտեյնի, իսկ Ֆինլանդիան՝ Իտալիայի դեմ:

Լանդիան՝ Իտալիայի դեմ:

Որակավորման փուլի «D» խմբում հանդես եկող Վրաստանի հավաքականը սեպտեմբերի 8-ին՝ սեփական հարկի տակ կընդունի Դանիայի թիմին: Այդ խմբի առկուսակը 11 միավորով գլխավորում է Իռլանդիայի հավաքականը: Դանիան 8 միավորով երկրորդն է, Շվեյցարիան՝ 5 միավորով երրորդը: Վրաստանի հավաքականը 3 միավորով չորրորդ հորիզոնականն է զբաղեցնում: Առկուսակը զրո միավորով եզրափակում է Ձիբլարթարը:

Իսկ մինչ այդ Վրաստանի թիմը ընկերական հանդիպում անցկացրեց Հարավային Կորեայի թիմի հետ: Հանդիպումն ավարտվեց ոչ ոքի՝ 2:2:

ԶՅՈՒՂՈՒ. ՎՐԱՍՏԱՆԻ ՀԱՎԱՔԱԿԱՆ ԹԵՄԱՅԻՆ ՀԱՇՎԱՐԿՈՒՄ ԶԲԱՂԵՑՐԵՑ ԵՐՐՈՐԴ ՏԵՂԸ

Տոկիոյում եզրագիծը հատեց ծյուղոյի մարզաձեւում աշխարհի առաջնությունը: Վրաստանի հավաքականը, իր ակտիվում գրանցելով մեկ ոսկե եւ մեկ բրոնզե մեդալ, թիմային հաշվարկում զբաղեցրեց երրորդ տեղը:

Վրաստանի հավաքականից աշխարհի չեմպիոնի կոչումը նվաճեց Լուիսուն Չիսմիանին, իսկ բրոնզե մեդալը՝ Լուկա Մախուրաձեն:

Խ Ա Չ Բ Ա Ռ

ՀՈՐԻԶՈՆԱԿԱՆ.

1.Ոսկորների հիվանդություն: 4.Մարդուն ...ի ենթարկել: 9.Մաշտոցյան այբուբենի վեցերորդ զինվորը: 10.Հանրությանը հայտնի: 12.Շ.Ազնավուրի երգերից «... Մարիա»: 14.Թարմ, նորաստեղծ: 15.Քաղաք Ֆրանսիայի հյուսիսում: 16.Վերջածանց: 17.Լուսն, ներդրում: 18.«... զբեզ Հայոց աշխարհ» (հորենացի): 21.Աղանդների բաղադրիչ: 24.Հայաշատ քաղաք Սիրիայում: 25.Ցուցական դերանուն: 27.Աֆրիկյան պետություն: 30.Կապի միջոց: 31.Փոքր էջ: 32.Կիլիկիայի հայկական թագավորության մայրաքաղաքը: 34.Չայ-նարկություն: 35.Հետը մրցողը, պիտյան: 39.Համայն Վրաստանի Կաթողիկոս-Պատրիարք ... Երկրորդ: 40.Անձնական դերանուն: 41.Առաջին մարդասպան-եղբայրասպանը: 42.Երկրաչափական մարմին: 43.Նշանակետին նշան բռնող: 46.«Լեւոնն ասաց» ..., մի սրիչդ դեսը տուր»: 50.Լեզվաբան, հայագետ, ակադեմիկոս Նիկողայոս ...: 51.Հորեղբայրը՝ Լոռվա մարզում: 52.Կանթեղ, ճրագ: 53.Լեռ Արցախում: 54.Սինգապուրյան ծաղիկ: 55.Գրիգոր Լուսավորչի հայրը: 57.Գավառ Արեւմտյան Հայաստանում: 59.Հերոսուհի Շիրվանզադեի «Նամուս»-

ում: 60.Պետություն Եվրոպայում:

ՈՐԴՆԱՆՈՒՄ.

2.Հրասայլ: 3.Մեքենաների ամեցորյա «շքերթ» Թբիլիսիի փողոցներում: 4.Մարդ Հայաստանում ... ծոր: 5.Սուրբ վայր Իսրայելում: 6.Հայերենի խոսքի մաս: 7.Հայ մեծ կոմպոզիտոր, «Ալմաստ» օպերայի հեղինակը: 8.Նահանգ ԱՄՆ-ում: 9.Գիքորի քույրը: 11.Հայերենի երրորդ հոլովը: 13.Տուշպա, Տոսպ: 18.Գրական ստեղծագործության տեսակ: 20.Քաղաք Վրաստանում: 22.Արար, ամբողջ (բոլոր): 23.Ե՛վ Մեծարենցը, Ե՛լ Մանուշյանը: 26.Վրաց գրող, թուրմանյանի մեծ բարեկամ Լեւան ...: 28.Բեյառուսին հարեւան պետություն: 29.Ճապոնական կղզիներից: 33.Յոթերորդ նոտան: 36.Օվկիանոսային ուժեղ քամի: 37.Ե՛վ գավառ, Ե՛լ լիճ Պատմական Հայաստանում: 38.Լեզվի տառերի հերթական շարքը: 44.Սար Հայաստանում: 45.Երես առ երես: 47.Հայ մեծ գրող: 48.«... Աստված»: 49. Մաշտոցյան այբուբենի տառ: 51.Սորթատու գազան: 55.Քաղաք Իրաքում: 55.Հայաստանի մայրաքաղաքներից: 58.Երաժշտական գործիք:

Կազմեց ԱՆՆԱ ՍԱՐԻԲԵԿՅԱՆԸ

ՆԱԽՈՐԴ ՀԱՄԱՐԻ ԽԱԶԲԱՌԻ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ.

6.Բակուր: 8.Բորսա: 10.Ղարս: 11.Տիգ: 13.Վառել: 14.Եկամուտ: 16.Հնար: 17.Հար: 19.Կոկիկ: 21.Ձառա: 22.Սար: 23.Նկուղ: 27.Ալար: 29.Օմեգա: 32.Լիր: 33.Փուշ: 35.Ամուն: 36.Իթակե: 37.Թրաշ: 39.Թաջ: 42.Վազք: 44.Սոմալի: 46.Վալս: 49.Վեց: 50.Հակա: 53.Դիոլ: 54.Շալ: 55.Բիգ: 56.Դի-աս: 57.Լոկ: 58.Նամա: 59.Կեռ: 60.Կաղ: 61.Սան:

ՈՐԴՆԱՆՈՒՄ.

1.Ղազարոս: 2.Կրակ: 3.Իբսեն: 4.Երկար: 5.Պատուհաս: 7.Ուղեծիր: 9.Եգ: 12.Իտառ: 15.Կակուլի: 18.Բահ: 20.Կարեն: 24.Կալոշ: 25.Ղարիբ: 26.Ծանր: 28.Բուկ: 30.Մայա: 31.Գուր: 33.Փաշա: 34.Շենք: 38.Արով: 40.Ջուլիակ: 41.Բացակա: 42.Վիի: 43.Ջիլինա: 45.Մեշոկ: 47.Ադի: 48.Սոսե: 51.Աբաս: 52.Ազան:

Խմբագրի տեղակալ՝
ՅՈՒՐԻ ՊՈՂՈՍՅԱՆ

Մեր հասցեն՝ Թբիլիսի 0105
Գ.Աթոնելի փ. 5 Հեռ. 2990-739, 2990-774
www.vrastan.ge
E-mail: vrastan.press@gmail.com

Գրանցման վկայական
№ 4 4 - 1439
«ԿՈԼՈՐ» հրատարակչություն

“ВРАСТАН”
Тбилиси, Грузия
«VRASTAN»
Georgia, Tbilisi
Индекс 66445